

ANUNSIÓ INTERNO

16 di òktober 2020




'Vervroegde Vrijwillige Uitstroom' (VVU)

Hopi ámténar ta deseá na hasi uso di e asina yamá areglo di 'Vervroegde Vrijwillige Uitstroom' (VVU). Mirando ku e proseso ta tumando mas tempu ku loke a premirá, Human Resources Organisatie (HRO) di Ministerio di Gobernashon, Planifikashon i Servisio Públiko (BPD) ta splika e proseso i e estado aktual.

PROSESO I ESTADO AKTUAL

Den e figura aki por mira e pasonan di e proseso pa aprobashon i introdukshon di VVU i su estado aktual.



Aktualmente, Gobièrnu ta na paso 5. T'asina ku Gobièrnu di Kòrsou a instituí un Grupo di Trabou den kua ámténarnan i representantenan di sindikatonan den CCvV a partisipá pa traha riba e VVU. A palabrá ku ta atendé e asuntu di 'afbouwregeling' i 'reparatie pensioenlandsverordening' tambe. E Grupo di Trabou aki a konkluí nan trabou pa loke ta trata VVU for di 7 di yüli último. Gobièrnu a pidi un reunion den e plataforma di CGOA pa firma e konvenio di VVU.

Sinembargo, mester konstatá ku despues di mas di 3 luna no a logra firma un konvenio al respekto ainda. Asina yega na un entendimentu den CGOA, por dal paso 6, esta konseho di Raad van Advies (RvA). RvA normalmente ta tuma entre 4 i 6 siman pa trata un petishon pa konseho.

ANUNSIÓ INTERNO

16 di òktober 2020



ALGEMEEN PENSIOENFONDS CURAÇAO TA ENBOLBÍ

For di inisio di e trayekto, Gobièrnu di Kòrsou a traha huntu ku Algemeen Pensioenfonds Curaçao (APC). APC a duna diferente splikashon na e Grupo di Trabou.

Huntu ku APC a:

1. hasi kalkulashonnan di loke kada empleado públiko tin komo penshun si e skohe pa VVU;
2. duna informashon na esnan ku ta bini na remarke pa VVU, i;
3. traha riba kontenido di e lei.

'REPARATIE PENSIOENLANDSVERORDENING'

Sindikatonan den CCvV a pone komo kondishon ku pa por aprobá VVU, mester atendé 2 aspekto, esta 1) 'afbouwregeling' i 2) 'reparatie pensioenlandsverordening'. Gobièrnu a bai di akuerdo ku e eksigensianan aki.

'Reparatie Pensioenlandsverordening' ta enserá un reparashon di e lei aktual di penshun. Manera ta konosí, dia 1 di yanüari 2016 e lei di penshun nobo a drenta na vigor. Konforme e lei nobo aki, un persona ku ta deseá na baha promé ku 65 aña lo hasi un rekorte di 6% pa kada aña ku e bai ku penshun promé ku e edat di 65 aña.

Pues si e baha ku 64, e rekorte ta 6%; si e baha ku 63, ta 12%, i asina e ta kontinuá. Ku reparashon di e parti aki di e lei, lo por garantisá ku e penshun di e empleado públiko, despues di hasi rekorte di 6% pa kada aña, no ta risibí ménos na penshun kompará ku loke ku el a 'bouw op' te ku desèmber 2015. E punto aki no ta mará na VVU.

APC, sinembargo, no ke karga e gastunan mará na e "reparatie pensioenlandsverordening". Pero Gobièrnu lo sigui den kombersashon ku nan riba e punto aki pa huntu yega na un solushon.

Proposishon di Gobièrnu:

1. Atendé VVU riba su kurpa
Gobièrnu, dunando oído na loke hopi ámtenaar ta remarká, a dirigí un karta na CGOA pa atendé e konvenio di VVU riba su kurpa.
2. Sigui atendé 'afbouwregeling'
3. Finalisa 'reparatie pensioenlandsverordening' apart

Banda di VVU, Gobièrnu tambe tin komo prioridat pa e 'afbouwregeling' keda aprobá. E 'afbouwregeling' ta un areglo (lei) ku a traha pa regla 'afbouwen in tijd'. Esaki ta enserá ku bo por haña mitar of 1 dia liber promé bo baha ku penshun.

ANUNSIÓ INTERNO

16 di òktober 2020



Esaki netamente pa asina e kuminsá prepará su mes pa e siguiente fase den su bida. Na momentu ku firma e konvenio den CGOA, esaki por drenta na vigor. Lo por traha riba un sirkulario tokante esaki ora ta asina leu.

Mientrastantu Gobièrnu ta sigui atendé e ‘reparatie pensioenlandsverordening’ huntu ku APC i Ministerio di Finansa den un trayekto apart. Di e forma akí por logra ku e VVU por drenta na vigor mas pronto ku ta posibel. T’asina ku tin mas ku 600 persona ku a indiká di ta deseá di hasi uso di e areglo di VVU. Banda di esaki, tin un kantidat di mas o ménos 25 persona di e totalidat ku lo por yega na e konklushon ku no ta kumbiní nan pa hasi uso di e areglo di VVU.

P’esei Gobièrnu lo sigui apelá na CGOA pa yama e reunion di moda ku por firma e konvenio pa e areglo di lei di VVU por sigui kana i e ‘afbouwregeling’ por drenta na vigor. Esaki mirando ku e mayoria di koleganan ta deseá na baha trempan i esun trayekto no tin nodi stroba e otro.